

Broj: 1070-9/18

Datum: 09.03.2018. godine

Na osnovu člana 64. stav 1. tačka a), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim. dr. Abdulah Nakaš“, na Preporuku Komisije za nabavku broj: 1070-7/18 od 08.03.2018. godine, u postupku javne nabavke **roba – Aparat za anesteziju sa monitorom**, direktor Javne ustanove Opća bolnica „Prim. dr. Abdulah Nakaš“, je donio

## **ODLUKU** **o izboru najpovoljnijeg ponuđača**

### **Član 1.**

**Prihvata se Preporuka Komisije za nabavku roba - Aparat za anesteziju sa monitorom – 1 komad**, broj: 1070-7/18 od 08.03.2018. godine i Ugovor za javnu nabavku dodjeljuje se ponuđaču **ponuđaču Proma d.o.o. Sarajevo**, ponuda br. 18-010-0503-1 **dostavljena dana 05.03.2018. godine, za ponuđenu cijenu od 109.000,00 KM bez uračunatog PDV-a, kao najpovoljnijem ponuđaču.**

### **Član 2.**

Izabrani ponuđač se oslobađa obaveze dostavljanja originala ili ovjere kopije dokumentacije iz člana 45. i 47. Zakona o javnim nabavkama iz razloga što je iste dostavio uz ponudu.

### **Član 3.**

Prijedlog Ugovora o javnoj nabavci roba dostaviće se na potpis izabranom ponuđaču nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude.

### **Član 4.**

Ova Odluka objaviće se na internet stranici Javne ustanove Opća bolnica „Prim. dr. Abdulah Nakaš“ ([www.obs.ba](http://www.obs.ba)), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. 6. Zakona o javnim nabavkama.

## Član 5.

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

### Obrazloženje

Postupak javne nabavke pokrenut je Odlukom o pokretanju postupka javne nabavke broj: **1070-2/18 od 05.02.2018. godine.**

Javna nabavka je sprovedena **putem otvorenog postupka.**

Procijenjena vrijednost javne nabavke bez PDV-a je **115.000,00 KM.**

Obavještenje o nabavci broj: 1125-1-1-33-3-44/18, poslato je na objavljivanje dana **06.02.2018. godine,** a objavljeno je na Portalu javnih nabavki dana **06.02.2018. godine,** sažetak obavještenja o nabavci objavljen je u Sl. Glasniku BiH broj: **10/18 od 09.02.2018. godine.**

Ispravka Obavještenja o nabavci broj: 1125-1-1-33-8-53/18, poslata je na objavljivanje dana **27.02.2018. godine,** objavljena je na Portalu javnih nabavki dana **27.02.2018. godine,** a u Sl. Glasniku BiH broj **14/18 od 02.03.2018. godine.**

Komisija za nabavku, imenovana je Rješenjem broj: **1070-3/18 od 05.02.2018. godine.**

Komisija za javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o pregledu i ocjeni ponuda broj: **1070-6/18 od 08.03.2018. godine,** Preporuku o izboru najpovoljnijeg ponuđača broj: **1070-7/18 od 08.03.2018. godine** i Izvještaj o radu broj: **1070-8/18 od 09.03.2018. godine,** u postupku javne nabavke roba - **Aparat za anesteziju sa monitorom – 1 komad.**

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da su u predmetnom postupku primljene 2 ponude,
- da su blagovremeno primljene 2 ponude,
- da nije bilo neblagovremeno primljenih ponuda
- da je ponuda ponuđača: „**Proma**“ **d.o.o. Sarajevo,** kvalifikovana i prihvatljiva, dostavljeni su svi traženi dokazi propisani tenderskom dokumentacijom, na propisan način,
- da ponuda ponuđača: „**Otto Technik**“ **d.o.o. Sarajevo** nije kvalifikovana niti prihvatljiva za ugovorni organ jer nisu dostavljeni svi traženi dokazi propisani tenderskom dokumentacijom.

Naime, ponuđač „**Otto Technik**“ **d.o.o. Sarajevo** u svojoj ponudi za predmetnu nabavku nije dostavio dokaze kako slijedi:

- Potvrdu koju daje druga ugovorna strana o realizaciji ugovora, kao ni Izjavu privrednog subjekta o uredno izvršenim ugovorima, uz predočavanje dokaza o učinjenim pokušajima da se takva potvrda osigura, koja je tražena u tački 4. Tehnička i profesionalna sposobnost – član 48-51. Zakona na strani 12 i 13. tenderske dokumentacije.



- Ovjerenu fotokopiju važećeg Rješenja Agencije za lijekove i medicinska sredstva BiH da je medicinsko sredstvo registrovano koja je tražena u tački POSEBNI USLOVI na strani 14. tenderske dokumentacije, nego je dostavio Odgovor na zahtjev Agencije za lijekove i medicinska sredstva BiH dostavljenu ponuđaču „MEDIT“ d.o.o. Sarajevo i Potvrdu o upisu medicinskog sredstva u registar izdatu na ime „BOSNAMED“ d.o.o. Sarajevo. Uz dostavljenu Potvrdu, ponuđač nije dostavio ovlaštenje od „BOSNAMED“ d.o.o. Sarajevo da može koristiti predmetnu Potvrdu o upisu medicinskog sredstva u registar.
- Ovjerenu fotokopiju važećeg Rješenja Agencije za lijekove i medicinska sredstva BiH da je ponuđač upisan u Registar veletrgovaca medicinskih sredstava koja je tražena u tački POSEBNI USLOVI na strani 14. tenderske dokumentacije.
- Autorizaciju proizvođača za predmetni postupak javne nabavke, koja uključuje podatak da se odnosi na ovaj postupak javne nabavke, s jasno navedenim evidencijskim brojem javne nabavke koja je tražena u tački POSEBNI USLOVI na strani 14. tenderske dokumentacije.
- Certifikate tražene u tehničkoj specifikaciji, kao ni Izjavu proizvođača da ponuđeni aparat ispunjava sve uslove iz tehničke specifikacije koji su traženi u tački POSEBNI USLOVI na strani 14. tenderske dokumentacije.
- Izjavu ponuđača da će obezbjediti servis unutar 6 (šest) sati po pozivu Kupca koja je tražena u tački POSEBNI USLOVI na strani 14. tenderske dokumentacije.
- Izjavu o prihvatanju roka važnosti ponude koja je tražena u odjeljku d) PODACI O PONUDI u tački 8) Period važenja ponude na strani 21 tenderske dokumentacije. Ponuđač je u Obrascu za cijenu ponude (Aneks 1.) na strani 35. tenderske dokumentacije u tački 5. nije naveo bročano i slovima rok važenja ponude već je naveo da ponuda važi do 21.05.2018. godine i 06.06.2018. godine (iz navedenog, Ugovornom organu nije jasno koji je od dva navedena datuma važeći).

Na osnovu Izvještaja o preuzimanju tenderske dokumentacije od strane ponuđača Komisija za nabavke je konstatovala da je ponuđač OTTO TECNIK d.o.o. Sarajevo preuzeo tendersku dokumentaciju 07.02.2018. godine. Ugovorni organ je dana 09.02.2018. i 27.02.2018. godine objavio Ispravku tenderske dokumentacije koju navedeni ponuđač nije preuzeo. U Ispravci tenderske dokumentacije od 27.02.2018. godine izvršena je ispravka obrasca „Tehničke karakteristike“ na osnovu koje je izvršena ispravka 16 (šesnaest) stavki. Ponuđač je u svojoj ponudi dostavio obrazac „Tehničke karakteristike“ iz tenderske dokumentacije koja je objavljena 06.02.2018. godine, a ne iz izmjenjene tenderske dokumentacije koja je objavljena 27.02.2018. godine.

Na osnovu prethodno navedenog, odbacuje se ponuda ponuđača OTTO TECNIK d.o.o. Sarajevo u skladu sa članom 68. stav (4) tačka i) Zakona.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu ponuda, u skladu sa kriterijumima iz Tenderske dokumentacije.

U postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom. Uvidom u priloženu dokumentaciju, nesporno je da su izabrani ponuđači najbolje ocijenjeni zbog:

**Ekonomski najpovoljnije ponude sa podkriterijima kako slijedi:**

- 1. Cijena - 70 bodova**
- 2. Rok isporuke od potpisa ugovora - 15 bodova**
- 3. Uslovi, način i rok plaćanja – 5 bodova**
- 4. Garantni rok od izdavanja zapisnika o isporuci robe bez primjedbi - 10 bodova**

**Ukupan mogući broj bodova: 100**

**Naziv ponuđača koji je ocijenjen kao najpovoljniji:**

Red. broj	Naziv ponuđača	Kriterij za dodjelu ugovora – ekonomski najpovoljnija ponuda				Ukupno bodova
		Cijena (KM bez PDV-a) - 70 bodova	Rok isporuke – 15 bodova	Uslovi, način i rok plaćanja – 5 bodova	Garantni rok – 10 bodova	
1.	PROMA d.o.o. Sarajevo	109.000,00 KM – 70 bodova	2 dana – 15 bodova	6 jednakih mjesečnih rata – 5 bodova	24 mjeseca – 10 bodova	100 bodova

Iz navedenih razloga, primjenom člana 64. stav 1. tačka a) Zakona o javnim nabavkama, člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Općina bolnica „Prim. dr. Abdulah Nakaš“, odlučeno je kao u članu 1. ove Odluke.



**POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

**Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo.**

Žalba se podnosi u najmanje 3 (tri) primjerka.

PRIPREMILA:

Amira Petrović, BA općeg prava, Referent za pravne poslove *AP*

KONTROLISALA:

Sadeta Hrustemović, dipl.-ur., Koordinator za javne nabavke *HJ*



**DIREKTOR**  
*Zlatko Kravić*  
**Prim. dr. Zlatko Kravić**

**Dostaviti:**

- Ponudaču: **Proma d.o.o. Sarajevo**
- Ponudaču: **Otto Technik d.o.o. Sarajevo**
- Odjeljenje za pravne, kadrovske i opće poslove
- Odjeljenje za ekonomsko-finansijske poslove
- Komisiji za javne nabavke
- a/a.